



列女

史記不傳列女而王陵母聶政姊附見於紀載詎以閨門之識時守義  
立志捐軀爲可少哉雲霄山明水秀清淑所鍾不獨詩禮名姬貞良是  
尚卽單寒季女亦隸詬爲羞前志所傳在人耳目間者固已俱堪不朽  
矣然名門多見錄而下戶少流傳君子不無遺憾焉節取其苦事闡其  
幽使海澨山陬孀婦義姑冰心雪操不沒于斷煙荒草所以維名教挽  
頹風不端在是歟至閨秀壺範風雅宜人惠溫足式是亦巾幗鬚眉有  
未忍畧者志列女

列女總目

唐 節烈

陳氏本志

孝女

陳氏新補

宋 閨秀

李氏

明 節婦

王氏

節烈

朱氏

貞節

葉氏

方氏

吳尾姐

湯氏

吳氏

葉氏

朱氏

程氏

以上俱本志

雲霄廳志 卷十五 列女

國朝 節婦

張氏

紀氏以上載前志

婦吳氏附

陳氏

楊氏

李氏

麥氏張氏附

節烈

劉馮姐

陳葳娘

貞節

陳氏

陳氏

顏氏

張氏

吳氏婦吳氏林氏孫附

張氏

賴氏

邱氏

吳氏陳氏附

張氏

黃氏

林氏婦邱氏附

廖氏

羅氏

何氏吳氏附 以上新採補入

陳氏

葉氏

陳氏

魏氏

黃氏

湯氏媳唐氏附

黃氏

吳氏

黃氏

黃氏

黃氏

吳氏

江氏

周氏

郭氏

方氏

何氏

朱氏張氏吳氏附

蔡氏

吳氏

黃氏

邱氏

許氏

吳氏

林氏

吳氏

湯氏以上載舊志

黃氏以上新採補入

李氏

李氏

王氏

蔡氏

連氏

何富娘

胡氏以上新採補入

貞義

王碧烟

湯氏附  
新補入

未亡人

吳標娘

黃氏

何氏

方氏

邱氏

王氏

李氏

吳氏

郭聘娘

曾氏

蔡氏

林氏

黃氏

張氏附

沈運娘

張氏

李氏

曾氏

朱氏

林氏附

吳氏

陳氏

方氏

吳氏

王氏

嚴氏

以上據  
呈補入

壽婦

魏氏

邑志

吳氏

新採  
補入

雲霄廳志

卷十五

列女

列女

唐

陳氏名性溫刺史鄧之女將軍元光之曾孫女也適鄭君迪子伯嘉伯  
嘉死性溫自經以從詔旌貞烈志府

陳氏名懷玉將軍元光女生八歲聞父死王事晝夜號泣行道爲之流  
涕稍長靈警異常言休咎輒有應謀復父仇未果年十五卒追贈柔懿

夫人探龍湖家譜補入

謹按志書稱夫人佐其父征寇有功因加贈配享茲考龍湖家譜與  
志載互異然生卒年月確有可據因並存之

列女

宋閨秀

李氏雲霄人以詩名其夫西上李勉之以詩有句云清朝富貴利名在  
結髮夫妻日月長見稱當時又有汲水書懷二絕並清新可誦採入藝  
文志其大姊李氏亦能詩與相倡和見清漳集府志

雲霄廳志

卷十五

列女

五

列女

明節婦

王氏前塗鄉林琥妻年二十七邑志作二十三夫亡慟不欲生姑止之曰高堂垂

白遺孤未育死而置此豈曰孝慈乃惟命堅守婦姑食貧艱苦萬狀子

文貢博士孫偕春翰林檢討上其事于朝詔建坊年八十三卒志府

吳氏漳浦人雲霄陳士選妻士選早有時名食餼十年屢蹶場屋苦學

病羸卒家徒四壁吳氏年二十七孝養繼姑教成一子陳默克紹儒業

志府

葉氏詔安士槁人僉事龜峯先生女年十八適西林吳同愛愛死葉屢

欲殉幸遺腹生男曰吾可無死以存孤也遂謝脂澤勤女紅足不踰域

者終其身志平和

朱氏新安里人儒士張珍偉妻偉亡氏寡年甫二十養姑撫子茹蘗五

十年後男具錦補邑諸生孫士良成進士天啓五年巡按喬題請旌表

雲霄廳志

卷十五 列女

六

准給銀植坊探花陳子壯贈聯云饕鯉飴姑湘竹霜深斑有淚丸熊課

子堦蘭日暖玉生花一時名公贈詩歌甚衆志平和

明節烈

張冠期妻朱氏嘉靖季倭寇攻莆美城冠期登城禦賊被傷死朱立縊  
殉知縣劉欽命遣吏致祭請旌焉志府

方氏六都即雲方顯謨女工部虞衡司主事林纘振妻也纘振卒京邸方

氏哀慟絕粒以頭觸柩欲死比抵家曰夫柩還吾可以死矣輒引簪自

刺洞胸流血服除設奠哭靈前嘔血死年二十六萬曆十一年巡按御

史龔一清二十五年巡按御史徐兆魁皆行檄製扁以旌志平和

吳尾姐雲霄人幼端靜讀書曉大義年十八適諸生黃龍事舅姑孝食

貧採薪躬爨無所辭勞無何龍故吳氏抱二歲孤付其姑號慟絕粒兩

拳撫膺五孔出血越二日殞于棺側郡志有傳

湯氏七都剡嶼人適書生楊鍾宏事姑孝崇禎己卯鍾宏病死湯誓以

死殉姑止之力既卒哭竟自縊別駕朱某祭其家顏其門曰節烈

明貞節

葉氏西林葉期遠女許配鎮城吳維翰翰父生員天祿以誣陷坐辟期遠恥與為婚還其聘改配于楊女獨誓死必歸吳期遠在任時期遠為黃州守楊約婚有期矣女投水為家人所援使聞于維翰母母踵宅慰之女聞姑至出拜堂下遂正婦姑之禮與之偕歸林宗伯士章致書期遠以貞女為賀葉始釋然女與維翰竟偕老焉府志

程氏字阿雲莆美副使應龍之孫女年十六許字大學士林鈞之子淳未婚而卒女聞訃悲號兄以他辭慰之女曰此身既已許林豈容或有他志吾其往也乃縞素詣林朝夕哭林之族無不哀者立其姪為嗣里人王仍縉為之賦孔雀府志



列女

國朝節婦

張氏正娘西林人少聰穎識文字長許字劉伯爵長子學周年十八于歸卜有期矣學周忽染病憊甚謀改期氏聞謂家人曰病若獲痊改之可也倘不諱奈何不使我一見夫面請以期行父母難之氏哀泣絕粒誓必死乃許之歸歸見學周病日篤即脫簪珥侍湯藥維謹未兩月學周竟死氏雖孀居恬然若不知爲嫠者雖適人猶然處女惟與小姑娘同臥起歡愛逾同生服闋歸寧父母潛許配他族氏惶然計不知所出惟日啓後戶東望雪涕適小姑娘遣老僕至急問曰吾翁姑無恙乎小姑娘亦無恙乎僕曰翁娘聞娘將他適晝夜哭且不食數日矣氏曰可若何急令僕買小舟從間道走投宿劉氏戚屬之家翼早徒步奔歸衣襦沾草露盡濕入門見翁姑伏地哭曰兒今始得長事膝下矣夫姊婿蔡宗伯世遠時家居聞氏逃歸狀急請翁爲立嗣永不歸甯氏性利而婉雖遇

雲霄廳志

卷十五

列女

九

極拂鬱事絕無幾微愠容年七十餘嘗語人曰曩者吾年少何知大義惟翁姑愛我乃以全我節也翁姑者何氏小姑娘也乾隆三十四年

旌

志

陳氏瑤娘漳浦阮道泰妻驃騎文之婦陳埭太學生夢林之女也性醇謹夢林愛之教之讀孝經女史諸書輒朗朗誦動止皆有法父嘗曰惜也此女乃不爲男兒年十八于歸於阮宮事井井得堂上歡四載夫病篤誓以死殉夫止之勉以爲其難者氏許諾夫卒哀慟者數旋自抑哀奉老姑撫嗣子逮子授室抱孫將葬姑與夫令竈三穴曰未亡人異日將合窆焉當是時孀居三十五年矣久謝絕鉛華既葬虞祭忽簪一花外孫見頗怪之然不以爲意漏初下子以葬事請母母端坐逝矣大聲呼家人奔救見氏與夫木主對案遺書三緘旁餘碎金葉息微微動卽以鷓鴣血藥之頃而蘇黎明神稍定責子若婦曰若等不孝奈何使我負約汝父于九泉是後家中防之密跬步不少離然精血已耗又二年

而終年五十有九府志

吳氏鞏娘鎮城外邱錫濂妻年十八嬪于邱性樸素寡言笑與夫相莊數年生二子夫弟錫泗歿其配陳氏請奔喪家人謀共拒之氏獨喜告其姑曰世安得有此人若重違其志或不測誰任其咎者因許之陳至氏一見意洽執其手以次子爲嗣越歲夫忽喪慟哭之餘仍自寬解以哺子爲急且曰姑老矣若過哀是重其傷也每出入必與姑偕曉夜相聚首或燈前共治女紅談古人守節訓子事以相勗卒時年八十九後錫濂之歿也六十有五年府志陳氏亦苦節六十九年卒時年八十有六乾隆五十二年

旌表

陳氏何地何榮圖妻年二十六而寡遺孤二上有翁姑赤貧養老哺幼出于十指長子國恒既娶生一子而歿婦感姑德亦矢志孀守姑媳並坐纜車未嘗偶離紡聲書聲不絕陳氏年八十四卒府志

雲霄廳志

卷十五

列女

十

黃氏何地何年瑞妻三十歲寡與側室潘氏同甘苦嫡庶二孤愛養如一夫有二弟年俱幼氏撫之如子既長各就傅氏獨理家政勉使潛心舉業仲弟子祥成辛未進士季弟子正弱冠有文名既娶而歿妻林氏薰嫂德亦誓節撫孤孤又不幸早殤乃以進士祥之子爲嗣殷勤撫育以長以教每事師法嫂氏人謂何氏一門雙節皆有賢德焉黃卒年七十二林卒年五十五府志

江氏雲霄唐廷藝妻年二十三寡乾隆十一年

旌卒年八十有一孫生孫猶及見之參府志

蔡氏莆美保張宗綸妻年二十五夫亡孤四齡氏孝事翁姑有欺凌之者卒不較歲饑餓孳嘗施棺以殯埋人稱其德卒年七十有五府志

紀氏泉州人雲霄鎮陳勝妻康熙初勝以軍功加都督僉事駐處州病卒紀氏年二十一遺孤綱甫三歲矢志自守長齋繡佛凡四十年而卒其夫弟陳尙有三子紀氏念尙販負作苦共營家計命綱與尙三子四

分其產尙固辭竟中分之尙痛其兄之早亡敬紀氏如母撫綱如子至  
老不衰鄉黨高紀氏之節而嘉尙之友而能讓焉

府志

雲霄廳志

卷十五

列女

十一

補傳 據本家子孫全紳衿僉呈補入其別有所本者另詳明

國朝節婦

顏氏鎮田保人適同里明經黃廷桂之子琛生一女琛隨父訪舊沒於東寧家貧如洗氏年二十四矢志爲夫立嗣與姑相依乾隆丙午丁未間值歲祲氏紡績救口不瞻外氏憫其窮時取糧食周濟之氏悉獻以飯姑而已與女同啜所餘漿水雖膝下日啼饑弗恤也居久之里有富人慕其賢欲納爲繼室餌以重金托所親示意適啟口氏淚已涔涔下矣言者慚而退茹茶咽苦歷三十年艱難萬狀而孝養未嘗少衰姑沒哀毀骨立遂至不起年終五十有四

張氏陳埭鄉陳松之妻夫死年二十四撫二歲兒辛勤鞠育以慰舅姑孀守歷六十二載節儉持家畜養四代孫曾至於成立

葉氏溪口鄉武生黃玉振妻于歸九載生一子年二十八而寡守義不嫁撫幼子事舅姑以慈孝聞自奉儉約數世子孫猶席其業而師其德

雲霄廳志 卷十五 列女

卒年八十四嘉慶十五年

旌

吳氏鎮南保人儒士曾學韓妻年二十四舉一男而夫歿家貧姑老子幼無期功之親可依倚獨勵節操拮据持家衣食悉從十指中出姑性嚴又善病委曲承事以終其身其課子尤力無間晝夜寒暑禮法自閑一生迸絕鉛華跬步不踰閭域戚里欽之年六十五卒子鳴玉食餼于

庠 鳴玉有恭紀對語云撫幼敬承姑卅載水心符鶴鶴寒  
等兼課讀五更淚血照青絲蓋實錄也現校嗣淪落

周氏員峯何瓊琚妻于歸五月而夫亡未有子孀守爲夫立繼養育教督以慈代嚴事翁姑亦無缺禮學憲恩贈以潛德幽光匾額

吳氏霞雲鄉張春貫之妻年二十六而寡孤國傑甫六歲承祖產業悉爲族惡踞吞氏清苦自甘勤紡績以資撫養國傑婚娶後復歿歿遺下二男妻吳氏年方二十五與姑同心守義雙寡形影相弔二子呱呱在抱族惡愈肆欺凌忍死吞聲共歷數十載淒風苦雨翼長孫子至於成

人時所僅見姑吳氏卒年八十有三婦吳氏卒年九十有四  
張氏鎮城王耀德妻年二十二夫歿無子矢志爲夫立嗣慤勤鞠育至  
於成人孀居六十載節操歷久彌堅值旱荒嘗減餐爲鞠以食貧隣人  
稱慈德卒年八十

黃氏莆美張啟雲妻年二十三而寡矢志爲夫立嗣慤勤鞠育終身敝  
衣茹素節苦心堅卒年七十有一

陳氏莆美張荆山妻年二十夫歿遺孤纔浹月艱難撫養心血俱枯事  
舅姑以孝養聞卒年八十有二

黃氏張正翰妻年十八于歸姪四月而夫故矢志孀守子武龍娶方氏  
生二孫振璣振瑚而武龍亡方氏時年二十二振璣妻蔡氏二十八歲  
夫故一慟幾絕既而曰白髮姑在堂幼兒在抱伊誰之責遂偕祖姑及  
姑共守一門三節人以爲難探恩學  
憲幽光錄

郭氏張開疇妻爲婦六載生兒再週夫歿誓不失節事舅姑撫幼孩越

雲霄廳志

卷十五

列女

歲積悲傷而卒

黃氏莆尾張宏琬字玉考妻十八于歸舉子纔四週而夫歿年二十二  
矢志養姑誨子姑喪明舉動需人氏委曲奉事歷數十寒暑無間子幼  
弱教督有方閭里稱道卒年七十有六

陳氏莆尾鄉張廷選之妻年二十五夫死孤未期月氏耐苦撫育勤儉  
持家卒年五十有一

吳氏張燦妻年二十二夫亡孀守二孤張與張恪娶婦後復相繼歿歿  
與妻吳氏年二十二恪妻林氏年二十一共體姑志相守數十年皆以  
壽終恪子森復早世妻吳氏年二十四亦清操自持現年五十有四路  
人指其門爲四寡婦云附森妻

魏氏吳士垣妻年二十四夫死非命攜幼子控雪沉冤貞操不磨事白  
持家謹嚴無敢干以非禮其沒也孫曾多列宮墻人以爲節義之報云  
黃氏荷步村監生周鍾秀妻幼識字年二十五夫亡孀守簿籍悉自登

記事姑誨子皆循法度卒年九十有三及見五代曾元云

方氏霞雲村張思雲之妻夫死一二十五未有子矢志不移立二嗣以繼夫後無何長男夭歿復爲立繼摧折屢遭清操愈勵卒年六十有九邱氏杜潯人鎮城監生鄭崇岳之妻二十五歲夫亡席其業勤儉持家夫弟無嗣分次子續其後人以爲知義卒年六十有七大學士蔡文恭公新書霜操留徽四字贈之

楊氏霞雲鄉生員張起賡妻二十八歲喪夫有子四人勤於教督事舅姑婦道無虧卒年五十有四

張氏陳埭鄉陳禾瑞之妻禾瑞卒氏年二十九歲二子幼一子遺腹撫之以至成人孝事翁姑洎晚節尤嚴以持家卒年六十有一孫曾以武甲科顯

林氏溪尾保李大成妻年二十四而寡矢志撫孤始終一節年九十三而歿子李啓興妻邱氏亦青年喪偶與姑共勵志現年六十有六啟興妻附

雲霄廳志

卷十五

列女

十四

黃氏西林鄉張飛哲妻二十而寡遺腹五月生男辛勤鞠育歷數十年不懈乾隆己亥以苦節

旌卒年八十一子玉振登乾隆己卯武科

黃氏河塘村吳乃詩妻二十七歲夫亡父國保授漳鎮千戎勸其隨任力謝之杜門不出惟以紡績爲事鄉之人罕有見其面者卒年五十三何氏西林村張宗珍妻夫死年二十七孀守二十餘載清白無玷卒年五十有二

許氏大坑保庠生方廷明妻廷明死氏年二十家貧翁老事之終身畢其喪葬撫諸夫弟有恩歷六十載凄苦備嘗鄉人稱嘆卒年八十有一李氏嶼嶼村庠生湯紹龍妻年二十九而寡家無翁姑挈幼男依夫兄爲活勤儉守貞卒年七十有五

賴氏何地何寬妻十八于歸週歲舉男子五月而夫亡每欲投繯殉夫顧五月兒不果負痛辛勤撫孤歷四十餘載卒年七十三

廖氏何地何銅妻年二十而夫亡腹有三月遺孤忍死以待其生已而舉男節哀鞠育以慰翁姑卒年七十有一

湯氏馬山鄉張日新妻爲婦善事翁姑歿夫繼亡年二十七依祖姑撫幼子不渝無何子復早喪留三幼孫氏積悲痛年未五十而亡媳唐氏體姑志現亦以堅貞自矢媳唐氏附

武生唐際清妻吳氏陣亡參將唐達先之婦監生吳文煜之女也年二十四孀寡未有子立嗣以續夫祀夫翁死事家中落依父母爲生清苦自甘歷久而志弗懈聞者哀之卒年四十有八

朱氏呈奇嶺羅擇妻年十九而夫亡上事翁姑下撫孫子至四十六歲而終同鄉羅佃妻張氏羅一登妻吳氏亦青年矢志張氏卒年四十三吳氏卒年五十一

吳氏呈奇嶺羅熊妻二十三歲孀守撫遺腹子至於成人卒年五十有七

麥氏洋下鄉方亨妻年二十二而寡身耕織以養三歲兒兒崑弱冠又歿歿媳張氏亦矢志撫孤一門雙節麥氏卒年六十有二張氏卒年九十有一

邱氏大坑方天感妻年二十孀守子方週歲辛勤鞠育家有老姑能敬奉之卒年六十有一

羅氏大坑鄉方任夫妻年十九夫亡無子養夫兄宏嶽子爲嗣歷五十八年而卒清白無玷夫姪心妻何氏孫強仁妻吳氏俱年十九而寡何氏無子以夫弟明經應藻子爲嗣吳氏有兩男夫亡時一週歲一遺腹舉家零丁孤苦以艱貞聞何氏卒年六十有八吳氏尙存

列女

國朝節烈

劉馮姐六都雲霄人故田家女十五適張敏牧豎也隣有惡少方悌謂馮艷而敏慙可私也誘之百端不為動俄以獨居見迫堅拒得無汗不勝憤縊焉蓋婦於張者未四月時為康熙十七年父劉蔡訟于官悌賂胥吏得緩獄會總督姚啓聖鎮漳嘉劉節烈顏其閭曰爭光日月命同知李甲聲卽其家致祭械悌伏馮几下榜其背百不死幽于獄李為記其事于家并贈以詩府志

林氏名萃娘漳浦林光尙之女幼能識字許配鎮城生員吳珩之子鶴鶴死欲往奠父母以未嫁難之乘間雉經家人破戶救之林誓死不更適會有議婚者林取吳納幣所製衣衣之貼身夜投井死衣帶有字曰屍歸吳父母乃聞于夫家而合葬焉知縣汪紳文旌其門甲午府志湯氏崑嶼人許嫁詔安吳發生發生沒女欲奔喪父母不許女曰婦人

雲霄廳志

卷十五 列女

之義從夫而已夫亡矣不往守義將何之思以死殉又防之密比越歲巡奔夫家母追及中途而返之是夕自經死年方十八族人請而

旌焉府志



補傳

國朝節烈

李氏竹樹潭鄉人性端謹年十八適鄉隣林某為妻林極貧無賴賭蕩  
酗酒氏屢遭凌虐委曲事之紡績傭錢市酒食以適其意踰年舉一子  
閱數載林病歿氏忍死傭作撫孤偶歸寧母命改適氏泣曰林氏數世  
僅留此點血脉若兒適人此子將誰寄乎且既從人背之不祥寧死不  
願有此行也遂辭歸沿途撫孤慟哭度進退無依就道旁掇野葛食之  
奔至夫姊家托以孤毒發而卒鄉人哀之為具棺殮葬夫墓側邑舉人  
鎮安令吳元麟為之立傳探吳章齋文集

李氏名利娘西林村孔姓苗婦也少端重不脩容飾以禮自閑夫孔寧  
家世操舟商販惠潮間時海盜熾屢被劫家遂落氏處之淡如也姑與  
長姒迫於貧不以正教氏不隨之靡年十七與甯成婚越一歲甯泛海  
至粵布袋灣復遇盜死焉未有子計至氏設位朝夕奠哭如禮隣婦以

雲霄廳志

卷十五

列女

改適勸氏不應退而自經時乾隆五十八年九月二十二日也距聞寧  
死七日鄰里傷之補傳

王氏名森娘鎮城王貴郎女監生張開離男白之配也年及笄矣待白  
竟學成婚白忽染脹疾日篤氏聞報不言而神傷女伴私叩之歎曰果  
有不幸獨樹可為生乎因飲泣不能語遷延數月白竟卒計至氏方危  
坐吞聲仆地救之甦是夜母與隣婦防護之氏佯言曰無苦也敬謝諸  
姆我倦欲眠矣家人莫測其意各紛紛就寢及漏末下潛起梳洗易衣  
服布席于地投繯而卒繯絕尸僵立不仆面如生時嘉慶己未八月二  
十二日也距白之卒隔一夕年二十二氏幼婉婉侍膝下能得二人歡  
祖母龍鍾善事之終其身如一日其卒也又以烈聞時以為難里之人  
爭上其事于當道隔于例未得 旌

陳歲娘進士何子祥子孫中未婚妻也孫中歿歿氏聞訃哀痛欲赴夫  
家守節屢囑代請翁姑未之許也氏不勝悲忿最後聞有別婚之議痛

詈之服毒而死年二十一夫家憐之爲立嗣迎其柩與夫合葬焉  
吳氏名習娘山前保吳映之女許配呈奇嶺羅創爲妻未娶而創歿創  
父敬知女賢秘不以聞欲以創弟續婚焉密商于映映私許之行有期  
矣始令母通意于氏氏愕然曰焉有此哉母百端婉勸不爲動將強遣  
之氏背語曰羅欲得婦殆將得死婦矣於是遂決計詰旦誑其嫂曰薄  
命人行當他適而屋後山未嘗一登眺不無遺憾嫂盍挈我一行嫂諾  
與之俱出門徑從榛莽中去沿徑掇斷腸草噉之嫂力追不及少頃至  
挽以歸入內寢毒發而卒年十八時雍正某年也羅聞之舉族嗟嘆因  
爲立嗣取其尸與夫合葬焉  
黃氏許配何地鄉何罕未婚而罕歿氏聞訃改粧服泣請于父欲奔喪  
父不許絕粒數日哀毀備至既聞有別婚之議遂投繯而死時年方十  
六族紳何子祥爲之立傳

補傳

國朝貞節

陳氏昆娘下徑人許配新陂鄉吳彩爲妻未婚而彩歿氏年十八歸夫家爲立嗣以貞守自誓性和順而清操凜然跬步不踰閭域終其身未嘗以華鉛自飾嗣子歿歿撫幼孫復備極勞瘁以苦節稱卒年七十有五蔡氏西林鄉張繼未婚妻年十七夫歿氏聞訃稟命雙親奔喪哀慟後拜見翁姑憐其老忍死代夫奉養家貧無賴力紡績以供朝夕翁姑病侍湯藥不少懈雍正十二年族紳張先躋嘉其節爲之立嗣並呈請平和縣彭以閨秀完人匾額表其宅

連氏許配鎮城楊緝爲妻未婚而緝歿氏年十八貞守不嫁夫家無舅姑依妯娌以立門戶始終無間言卒年四十有二

何富娘何地何蟾女許字平和賴楓爲妻楓暴卒氏聞訃欲奔喪父母難之氏矢志不易翁姑聞之乃迎歸焉氏從容登輿而去道旁觀者咸

雲霄廳志

卷十五

列女

十九

雪涕和之紳士聞其事爭歌詠以嘉其節歷數十年以壽終

胡氏崑嶼鄉湯束未婚妻幼知大義寡母有異志勸以從一而終及笄而束死聞訃奔喪甘心貞守爲夫立嗣絕跡不至母家姑老病嘗割股以療其疾鄉族嗟嘆卒年八十有一乾隆三十一年

旌

查請

旌案由

國朝貞義

王碧烟武生唐紀媵婢也紀夫婦俱歿二子幼穉無依時王年十五潛  
焉出涕誓不適人以托孤自任歷數十寒暑畢其婚娶無何長子唐靄  
復歿無嗣王力請親族爲立後勸靄妻湯氏共守貞撫養湯氏感其誠  
亦終不貳心紀之有後于唐王之力也王卒年七十三附

謹按作志惟列女一門最難閨門之內核實無從幽隱之中窺伺難到嚴繩之恐貞心莫白寬以爲取又保無魚目混珠乎披閱尋思擬次其傳每遲迴不能下筆明有天地幽有鬼神本心難昧亦持此歉仄悚皇之意以証諸屋漏大廷而已嗚呼幽蘭生谷不言自芳美玉韞山有輝莫掩誠貞心貫日勁節凌霜區區載筆原無足加其毫末不過藉茲彤管坊表深閨否則衮影多慚方欺君子見收者無以爲榮代請者並蒙其恥九原有知揆之實至名歸之義亦何益哉是則列名雖同仍各視其人之賢否何如耳

列女補傳未亡人

吳標娘許配陳岱村陳玉符未婚而符歿氏矢志不他適來依老姑爲未亡人立嗣以繼夫祀嗣子婚娶畢纔舉男復歿氏撫幼孫倍加凄苦現年七十二歲

黃氏鎮城方士高妻二十二歲孀守翁姑在堂雅善事之撫夫弟亦有恩現年五十有四

何氏陳岱陳尼姑妻二十四歲喪偶家極貧上無翁姑下無兒女甘心守義忍饑寒耐凄苦志歷久不磨現年已七十六歲矣庶幾其有始終者歟

方氏岳坑鄉監生朱邦彥妻舉一子年二十二而寡家有老姑素善病氏曲意承事子孤弱教督不專任慈經學憲 恩給匾旌門現年七十歲

邱氏杜潯人岳坑朱超之妻十九歲孀未有子爲夫立嗣貞靜自守歷

雲霄廳志

卷十五

列女

二十二

今三十一載年五十

王氏霞雲鄉張拔之妻夫死遺一子二弟煢煢無依氏爲鞠育提攜完婚娶居然家督焉現年已七十歲

林氏陳岱鄉陳料之妻二十三歲而寡未有子以夫弟長子爲嗣善於教督家有兩代翁姑亦善事之現年六十歲

李氏崑嶼湯天叙妻年二十四孀守撫十月孤辛苦備至姑老病歷十年奉湯藥無少懈現年六十有三

吳氏霞雲鄉張而火妻火死遺腹生男三歲而歿氏矢志爲夫立嗣寡守三十餘年現年五十有七

郭聘娘霞雲鄉張開甲之妻夫死氏年二十五孤纔八月翁姑在堂守義撫養承事閱五十六載現年七十八歲

曾氏鎮城高應鍾妻年十九而夫歿抱四月孤依老姑爲生貞守不移以訓子成人矢其志現經三十一載年五十同知薛凝度以雪操冰心

匾額表其門

蔡氏鎮東保吳錫珍妻夫死年二十一翁姑老生孩甫七月自矢清操仰事俯育翁姑歿子繼亡家益落僅存六歲孫保抱成立尤備辛勤現年八十有二錫珍弟錫珪亦早世妻湯氏年二十九與嫂同守義撫孤現年七十二

黃氏莆中鄉王魏妻二十四歲孀守兒幼舅姑老婦道母道克盡無慚閱廿年子躋復歿歿婦張氏年二十六亦體姑志自矢靡他黃氏現年八十有六五代同堂張氏現年六十有四

沈運娘陳岱陳希託之妻年二十六而寡歷今二十五年無異志現年五十有一

張氏鎮城蔡登聘未婚妻十五夫亡能知大義矢志守貞現閱三十六年清操愈勵

李氏鎮南保龔日妻年二十二夫亡遺腹四月生男矢志孀守無何男

天寶復歿歿媳鄭氏年十九遺孤僅十月門祚衰薄姑媳相依益堅其志李氏現年六十有七鄭氏亦尙存

曾氏鎮城唐貢妻年十九而寡生一子歿歿嗣男復相繼殤殂孤苦零丁撫幼孫以待老現年七十歲

朱氏莆尾張榮光妻年二十夫亡未有子以姪克昌爲嗣慤教督克昌登武科旋歿歿氏哭夫繼以哭子同媳林氏撫養幼孫備極辛苦現年六十有七

吳氏生員唐春暉繼室年二十九夫死貞勤持家能畢男女婚嫁葬父母舅姑數柩現年五十有二

陳氏呈奇嶺羅振鑑妻二十八歲喪偶守義教子讀書現年五十有八方氏唐舛妻夫死氏年二十四現閱四十餘載年近七旬

吳氏溪口監生黃光輝妻年二十七而寡貞靜內外無間言現年八十王氏東瀛人和瑞田村羅一聲客臺娶焉一聲歿氏年二十三隨姑渡

海回籍寡守閔三十載現年過六旬  
嚴氏鎮城劉朝妻二十一歲寡現年五十有六

雲霄廳志

卷十五

列女

二十四



壽婦

魏氏林梅元妻六都人生萬曆二十三年至康熙三十七年計一百有四歲知縣陳汝咸詳請題旌奉勅建坊于雲霄渡頭曰貞壽補邑志  
吳氏南陂保莆頂村李增彩之妻生康熙甲子年至乾隆甲辰計一百有一歲五代承歡孫曾廁身庠序漳浦縣學教諭葉夢苓訓導張其剛各贈以聯匾雲霄分縣李維瀛復以慈孝人瑞匾額表其門踰年未及題旌而歿據呈補入

謹按諸史未有爲生人立傳者晚節難終至美或蒙不潔老年警悟卽惡始而美終苟未蓋棺難爲論定鬚眉且然况巾幗乎然而碧海青天悔偷靈藥盧家少婦或覩陌頭柳色偶爾懷春若方其皓齒纖眉早堅忍而屏鉛膏之沐豈自顧鷄皮鶴髮轉流蕩而起井水之波是亦人情之不必然矣伏查

本朝旌典凡三十歲內夫亡寡守二十年以上者例得

題達以闡幽貞亦使其人知垂名不朽愈堅冰蘖之心而世知有善必揚咸勵松筠之操茲遵

朝典列其人於簡末將毋身受者益以自愛而聞風更有所觀感而興於名教殆不無少補焉是亦善善從長之意云爾

